



KEMENTERIAN KESIHATAN MALAYSIA  
HOSPITAL KUALA LUMPUR

## KENYATAAN MEDIA

### INSIDEN KEBAKARAN KECIL DI KOMPLEKS PAKAR DAN RAWATAN HARIAN (SCACC) HOSPITAL KUALA LUMPUR

---

Kuala Lumpur - Hospital Kuala Lumpur (HKL) ingin memaklumkan bahawa telah berlaku satu insiden kebakaran kecil di Klinik Otorinolaringologi (ORL) Aras 6 Kompleks Pakar dan Rawatan Harian (SCACC) HKL pada 16 Ogos 2022 (Hari Selasa), kira-kira jam 2.30 pagi.

Pihak Jabatan Bomba dan Penyelamat Malaysia, Titiwangsa telah datang dan berjaya memadamkan api di lokasi kejadian. Siasatan awal mendapati bahawa kejadian kebakaran kecil tersebut melibatkan kaunter pendaftaran Klinik ORL. Tiada sebarang kemalangan jiwa atau kecederaan dilaporkan. Siasatan terhadap punca kebakaran sedang dilaksanakan oleh pasukan yang diketuai pihak Jabatan Bomba dan Penyelamat Malaysia.

Beberapa operasi di klinik Pakar SCACC Aras 6 akan terganggu ekoran insiden ini. Sehubungan itu, pihak hospital akan membuat pemeriksaan sewajarnya bagi kes pesakit kecemasan dan yang memerlukan sambungan ubat susulan. Manakala pesakit yang mempunyai temujanji dengan Klinik ORL, Klinik Oftalmologi dan Day Care Onkologi pada hari ini akan disaring dan akan dihubungi kemudian oleh pihak hospital/klinik untuk diberikan tarikh temujanji baharu.

Pihak Hospital Kuala Lumpur memohon maaf di atas segala kesulitan yang dihadapi ini.

Sekian, terima kasih.

**DATIN PADUKA DR. ROHANA BINTI JOHAN**  
Pengarah  
Hospital Kuala Lumpur

16 Ogos 2022